

نسخه سی ۱۰ غروشدور

صاحبی، مدیری محرری :



اسلامك نفعنه خادم مقالات
مع الت شكر قبول ونشراولونور
يازانك شخصيتي دكل، يازينك اهيتي
نظردفته آئينير .
كلن يازيلردن شايدان قبول كورولنار:
تاريخ صيراسيله درج ايديلير .

مخفل

۱۳۳۸

علمی، ادبی، اجتماعی و شمع بلك

شهری مجموعه در

۱۳۴۱ محرمة مخصوص نسخه

عدد : ۲۷

اداره خانه سی : آق سرايده
ملا كورانى محله سنده مهتر
سوقاغنده ۳ نورولوخانه

مرکز توزیعی :

باب عالی جاده سنده (اتحاد
تجارت) كتبخانه سی

آبونه بدلی :

سنه لکی ۱۲۰ غروش

آلتی آیلنی ۶۰

اوچ آیلنی ۳۰

جلد : ۳

مندرجات :

مخفل علمی : تبریک . تشکر ، رسم مصحف عثمانی مسئله سی — از میرلی اسماعیل حتی بك . انسان هانکی
دور مخلوقیدر ؟ — عبدالقیاض توفیق بك .

مخفل ادبی : محفل عرفان — جناب شهاب الدین بك، ابوالفتح البستی بك برقصیده سی و منظوم ترجمه سی —
دیاربكرلی سعید پاشا مرحوم . برقطعه — اسکدارلی طلعت بك ، دوشوندم — عبدالعزیز مجدی
افندی ، غزل — نابید ، سالی تاریخ — طاهر المولوی .

مخفل تاریخی : ام عماره رضی الله عنها — طاهر المولوی . سید برهان الدین — فریدون نافذ چلبی افندی .
بابلك — احسان محوی . داود پاشا قیشله سی او كنده اوق آیشی — طاهر المولوی .

اسکدار مولویحانه سی کتبخانه سنده نومرو ۶۴ ، ورق ۳۸ ترجمه ثواقب مناقب] .

اولیا چلی سیاحتنامه سنده جلد ۳ ، ص ۱۸۶
مشارالیهک ۴۷۴ ده وفات ایتدیکنی سویلیور .
بالطبع بیوک سهودر .

نذکره دولتشاه (بومبای طبعی ۱۳۱۸ ، ص ۸۶)
و آندن ترجمه سفینه شعرا ده مطبعه عامره (۱۲۵۹ ،
ص ۸۲) شامده وفات ایتدیکنی یازیور . نشانچی
محمود پاشا تاریخنده (مطبوع ص ۱۰۸) مولانا
بهاءالدین ولدک تربیتلریله جربی اولمشدر . مزار
متبرکسی دارالنصر قیصریه در . دیورکه بومعلوماتی
ترجمه تفجحات الانس دن (ص ۵۱۴) آلمش اوله جقدر .
سید برهان الدینک تربلری قیصریه خارجنده
صکره حرمتکاری اولان خلقک ، غلمانک
مزارلریله بیوک برقرستانک دروننده در . سلطان
عبدالحمید خان ثانی طرفندن ۱۳۱۲ سنه سنده
دلنشین برقبه عالی ایله تعمیر ایدیلمشدر .
قیصریه ده جناب سیدک بعض خاطره سی ده واردر :
(صوصلاسی) مشارالیه وفات ایده چکی زمان خلقی
انزو اخانه لرینه خدمتکاریله دعوت ایتدکری کبی
بوکونده قیصریه ده برذات وفات ایتسه چارشوده
بر دلال : اوکله نمازندن صکره جامع کبیله جنازه
وار . ثوابی ایستین الله رضاسی ایچون نمازه کلسون
دییه ندا ایدرمش . برده اسکیدن بری قیصریه ده
مدرسه لر چوقدر . درسنی آکلایامایان بر ملا
کتابی آلور حضرت سیدک تربته مطهره .
سنده اوقور واونک روح انورلرندن استعانه
ایدرمش . هیچ شبهه سز بویله صاف براعتقاد ایله
مقصده نائلیت واقمدر . چونکه اوراده دقت
دیدیکمز وداهیانه کشفیاته اساس اولان خاصه
وفکرک انکشافی فنی نظریاته توافقی ایدر . سفینه
نقیسه نک جلیانندن باحث برنجی جلنده بوسویله -
دیکمزنک عینی بروقه ذکر ایدیلکده در .

جناب سیدک مقالات عنوانی فارسی بر اثرلری
واردر . آستانه خنکار اکبرده واقع کتبخانه ده
واستانبولده اسکدارده اطلاعاتی کتبخانه سنده
منظور عاجزانه اولمشدر . . بالطبع هنوز ترجمه سی
یوقدر . . برده مصرده الازهر کتبخانه سنک غیری
بر کتبخانه ده عربجه بر اثری اولدیغنی ایشتم .
قارئین محترمه میاننده معلوماتی اولانلر وارسه
لطفاً یازسونلر . شویازد قلمز برده زومه اولاییلور .
ده تایی باشقه و مساعد زمانلره ترک ایده لم .

ابن مولانا

م . فربرده نافذ

بایسلک

مابعد و ختام

باییلر ، مسکرات و سیغاره استعمال ایتمز لر .
دعوتلر ده مسافرلری شکرله لرله اعزاز واکرام
ایدر لر . بناء علیه سیغاره بی تحریم ایتمز لر . انسانلره
ویردیکی ضرردن طولایی منتسین آراسنده توسیع
واقتشارینی قطعاً ایسته مز لر .

ایران تدریات اخلاقیه واجتماعیه سنک برنجی
صنف عامللرندن معدود اولان اصرار کشلک باییلر
آراسنده قطعاً کوریه مز .

ایرانده مبدولاً استعمال اولوفان (تریاک)
هرکون بیکلرجه کنجی تسمیم ایتکده بردوامدر .
تریاک ایچنلرک قوللاندقلری چبوغه (واپور) تعبیر
اولونور .

باییلر ، طهارت و نظافت خصوصنده تمامیه
عصریدر لر . دیار عجمک (حوض کبیر) لی حاملری
باییلرجه امراض ساریه منبعلری درجه سنده موجب
اجتناب محللدر لر .

اولر ، صورت مخصوصه ده انشا ایتدیردکری
موصولوقلوه قورنه لی حاملرده استحمام ایدر لر .

ایرانده هنوز حال ابتدائیده بولونان طبابت ده
اهالی به بوکی صحنی حمامری توصیه ایتمکده لرسه ده
تعصبات درجه سنی آکلامالی که : شیعیلرجه بابیلرک
حمامنه کیتک ، اونلرله بیله بیله آلیش ویریش
ایتمک شویله طورسون ، اونلره سورونمک نجاسته
بولاشمق قدر کریده در . الفتک ایسه شیعیلرجه
قاری قوجه پینده مخالفه بی موجب احوال دن اولدینی
حققدر .

اصنامه محوری

داور بانا قیلمه سی ارکنده اوق آتیشی

اسلحه ناریه نك ایجادندن اول ، حتی تکمیلنه
قدر هر قومک اوق ، یای ادمان واستعمالنه نه قدر
اهمیت ویردیکی معلومدر .

انسانلرک دنیوی و اخروی هر درلو منافع
وفوایدینی جامع اولان مسلمانلق ده بو خصوصده
وصایای مشوقه ده بولونمشدر .

عربلرک اوق ، یای ، مزراق ، حربه ، قلیچ
وقالقاندن عبارت سلاحلری ایچندن الک زیاده اوق
یای تعلم وادمانی علیه الصلوة والسلام اقدیمز توصیه
بویوروردی . چونکه : اورقت بوابکی سلاح ،
آلات سائرده دن زیاده ایشه یارار واونلره نسبة
بوگونکی تفننک یرینی طوتاردی .

ذات اقدس نبوینک (زوراء) (روحاء)
(صفراء) (شوحط) (کتوم) (سداده) اسملی
آلتی یایی (وکافور) ناهنده برتیرکشی بولوندینی
سیر کتابلرنده محرردر .

(رمی ورماء) ک فضائی حقنده برچوق حدیث
شریف روایت ایدیلیر . بونلردن قرق دانه می ،
ابوایوب الانصاری جامع شریفی امامی عبدالله افندی
طرفندن جمع وتورکجه شرح اولونمشدر .
عبدالله افندی مرحومک (تذکره الرماء)

تسمیه ایتمش اولدینی اثر (اعداد قوت) حقنده کی
حدیث ایله باشلار . عبدعاجزده اوحدیث شریفی
وقتیاه ترجمه ایدرک (اعداد قوت) سرلوحه لی
برمقاله یازمش ، سیل الرشاد مجموعه سنک ۲۶۹ نجی
نسخه سیله نشر ایله مشدم .

اوراده ده حکایه ایدیلدیکی وجهله (تذکره الرماء)
رساله سی ، سلطان محمود ثانین قهوه جی باشیسی ،
مؤخر آوقاف ناظری اولان (مصطفی کانی افندی)
طرفندن یازیلان (تلخیص رسائل الرماء) کتابنه
تبرکاً نقل ایدیلش ، اوق ایله یایک آتیلما سیله برابر
یایلماسنه دائر و اوقجیلر متعلق سائر معلومات
ویریلمشدر .

مصطفی کانی افندی ۱۲۵۱ سنه سی ، محمود
ثانینک معیتده اوق میدانشده بولونورکن تلقی
ایله دیکی اراده موجبجه یازدینی اوکتابده :
« فاتح سلطان محمدخان حضرتلری ادرنه دن
ابتدا حالا میدان تیرانداز اولان [قاسم پاشاسمتک
اوستده کی اوق میدانی] محله نزول واول محلدن
نائل فتوحات تیسیر رب العباد اولوب . . . غزوات
اسلامه اوچ کون . . . اجرای سنت حضرت
سیدالانام ایچون رمی سهام ایتدیردکلرین سیاح
زمین اخبار ، جریده آتارنده مفصلاً تحریر ایتمشدر .
وصاحب الرساله عبدالله افدینک تحقیق و تحریرینه
نظراً معیت فاتحده موجود بوتان علما ومشایخ
وبخصوص آق شمس الدین قدس سره حضرتلرینک
کشف واراده و افاده لرله میدان مذکور رمی سهامه
تخصیص وحدودیه اقلامه قید اولوب فرمان اعطا
اولدینی ودولت اسلامیه ابدقرارک ظهورنده کوکبه
اسلامیه ده اسلحه ثلاثه دن مرجعی تیروگان اولدیغه
منی حالا اجلاس نشین تحت دولت اسلامیه اولان
شوکتلو عظمتلو قدرتلو کرامتلو افدیمز السلطان
الغازی محمودخان عدلی ایداه حضرتلرینک بتوفیقاه